



Edizione diplomatica



bernartz del uentador.

Cant la douza aura uen(t)[1]a de ues nostre pais. mes ueiaire
qieu senta. un uent de paradis. p(er) amor de lagenta. ues
cui eu son aclis. on ai meza mententa. e mon corag assis de
tot autram partis. per lieis tant ma talenta.

[1] Il copista scrive inizialmente *ueenra*, poi espunger e corregge *cont*.



Sol lo iois qem presenta. siei bel oil e clars uis. qe plus no(m)
consenta. me degra uer conqis. non sai p(er) qieu uous m(en)ta. qe
de ren non son fis. mas grieu es qem repenta. qe una uez
me diz. q(ue)l pros hom sa fortis. el maluatx sespauenta.



De donnas mes ueiaire. qe gran faillimen fan. p(er)o car no(n) so
]car non[[2] gaire amat si fin aman. mas eu non auz retraire. mas
so qellas uolran. qieu sai ben cus trichaire ha damor abneia(n)
o pl(us) o qatre tanz. con (f)[3]era fiz amaire.

[2] Cancellato dal copista.

[3] Il copista scrive inizialmente *sera*, poi espunge *s* e corregge con *f*.

Image not found

https://letteraturaeuropea.let.uniroma1.it/?q=sites/default/files/styles/661/public/a1%20%285%29_10.png&itok=0VF7zCw3

Domna qe cuias faire. de me qe uos am tan p(er) qem faitz tan
mal traire. ni murir de talan. ai franche de bon aire. fazes
mun bel semblan. tal don mos cors sesclaire. qe pene mal
traì gran. enoi dei auer dan. qieu nomen puesc estraire.

- letto 464 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2154>